



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

XXXVIII. Facultas ejiciendi incorrigibiles pro Vicariis Gen. Indiarum Ord.
B.M. de Mercede.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

& expresse derogamus, cæterisque contrariis quibuscumque.
Datum Romæ apud S. Mariam Majorem sub Annulo Pisc. die XX. Octobris MDCXCIII. Pontificatus nostri Anno Tertio.

XXXVIII.

Confirmatur Decretum Congregat. Concilii, quo conceditur Vicariis Generalibus Ordinis Beatæ Mariæ de Mercede Redem. Captiv. in Indiis facultas ejiciendi inquietos, & incorrigibiles.

Extat moderatio Constitutionum Constitut. ed. 1692. Mar. 1. P. 1. Et Clem. XI. Constitut. ed. 1702. Mar. 29. P. 2.

Dat. 24. Oct. 1693. An. 3.

INNOCENTIUS PAPA XII.
Ad futuram rei memoriam.

Causa d. Decreti.

Nuper pro parte dilecti filii moderni Vicarii, & Procuratoris Generalis Ordinis Fratrum B. Mariæ de Mercede Redemptionis Captivorum Congregationi Venerabil. Fratrum nostrorum S. R. E. Cardinalium Concilii Tridentini Interpretum exposito, quod cum in Constitutionibus dicti Ordinis Cap. VI. Dist. V. soli Magistro Generali pro tempore existenti ejusdem Ordinis cum assistentia tamen sex Religiosorum ipsius Ordinis, tribuatur facultas cognoscendi de causis Fratrum inquietorum, & incorrigibilium ipsius Ordinis, itaut postquam de iis cognoverit, atque in illis rationes, & circumstantias a Constitutionibus prædictis requisitas adesse compere-rit, ipse solus Magister Generalis ad sententiam eorum ejectionis juxta formam in eisdem Constitutionem præscriptam, procedere possit; Ordo vero præfatus longe, lateque diffusus in Indiis reperitur, inquietorum, & incorrigibilium fratrum hujusmodi in tam remotis partibus degentium scandalis, & perturbationibus opportunum remedium adhibere nequibat. Ac proinde pro parte dicti Vicarii, & Procuratoris Generalis prædictis Cardinalibus supplicato, ut ad duos Vicarios Generales dicti Ordinis in eisdem Indiis commorantes prædicti Magistri Generalis facultatem extendere dignaretur, itaut eorum quilibet itidem cum assistentia aliorum sex digniorum Religiosorum in casibus necessariis, juxta earundem Constitutionum præscriptum, ad inquietorum, & incorrigibilium Fratrum hujusmodi ejectionem procedere possit; qua ratione regularis observantiæ, ac Divini servitii conservationi in partibus supradictis opportune consultum foret: Emanavit a prædicta Cardinalium Congregatione Decretum tenoris, qui sequitur, videlicet: Die 5. Septembris 1693. Sac. Congregatio Eminentissimorum S. R. E. Cardinalium Concilii Tridentini Interpretum, attenta relatione Eminentissimi Domini Cardinalis Orthoboni Ordinis prædicti Protectoris, censuit petram facultatis extensionem concedi posse, facto verbo cum Sanctissimo. Et facta per Secretarium sub die 27. ejusdem Mensis relatione, Sanctitas sua benigne annuit, accedente consensu Generalis pro tempore, & juxta normam in Decreto de Apostatis, & Ejectis præscribendam.

Decretum Congregationis.

Preces Vicarii, & Procuratoris Gen.

§. 1. Cum autem, sicut dictus Vicarius, & Procurator Generalis Nobis subinde exponi fecit, ipse Decretum hujusmodi quo firmitus subsistat, Apostolicæ confirmationis nostræ patrocinio communiri plurimum desideret. Nos specialem ipsi Vicario, & Priori Generali gratiam facere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a Jure, vel ab homine quavis occasione, vel causa latis,

si quibus quomodolibet innodatus existit ad effectum præsentium dumtaxat consequendum harum ferie absolventes, & absolutum fore censentes, supplicationibus ejus nomine nobis super hoc humiliter porrectis inclinati; Decretum præinsertum auctoritate Apostolica tenore præsentium approbamus, & confirmamus, illique inviolabilis Apostolicæ firmitatis robur adjicimus, salva tamen semper in præmissis auctoritate memoratæ Congregationis Cardinalium.

Confirmatio relati Decreti.

Clausula:

§. 2. Decernentes easdem præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & spectabit in futurum plenissime suffragari: Sicque in præmissis per quoscumque Judices Ordinarios, & Delegatos, etiam Caesarum Palatii Apostolici Auditores judicari, & definiti debere; ac irritum, & inane, si secus super his a quoquam quavis auctoritate, scienter, vel ignoranter, contigerit attentari.

§. 3. Non obstantibus Constitutionibus, & Ordinationibus Apostolicis, necnon dicti Ordinis, etiam juramento, confirmatione Apostolica, seu quavis firmitate alia roboratis statutis, & consuetudinibus; privilegiis quoque, indultis, & Literis Apostolicis, in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, ac ad verbum insertis habentes, illis alias in suo robore permanfuris ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Mariam Majorem sub Annulo Piscat. die XXIV. Octob. MDCXCIII. Pontificatus nostri Anno Tertio.

Confirmatur erectio trium Cœnobiorum Recollectionis in Provincia Batava Tertii Ordinis S. Francisci.

XXXIX.

Const. ed. 1693. Aug. 15. P. 3. confirmata fuerunt quedam statuta. Et Const. ed. 1695. Jul. 20. P. 5. præcipitur observantia statutorum in Collegio Sancti Isidori de Urbe.

INNOCENTIUS PAPA XII.
Ad futuram rei memoriam.

Dat. 21. Nov. 1693. An. 3.

Alias Nos supplicationibus dilectorum filiorum Ministri Provincialis, Custodis, & Diffinitorum Provinciae S. Michaelis in Batava Fratrum Tertii Ordinis S. Francisci Nobis super hoc humiliter porrectis inclinati; Decretum quoddam a Congregatione Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium præposita emanatum, quo nonnulla statuta a Diffinitorio dictæ Provinciae pro felici directione trium Conventuum Recollectionis nuncupatorum in eadem Provincia non ita pridem erectorum edita confirmabantur toto statutorum hujusmodi tenore inserto per quasdam nostras in simili forma Brevis die 15. Augusti proxime præteriti expeditas literas approbavimus, & confirmavimus, prout in iisdem literis, quarum tenorem præsentibus pro plene, & sufficienter expresso, & inserto haberi volumus, uberius continetur.

In laudata Const. confirmata fuerant quedam Statuta, non autem erectio Cœnobiorum.

§. 1. Cum autem, sicut Minister Provincialis, Custos, & Diffinitores prædicti Nobis nuper exponi fecerunt, in Decreto supradicto statuta præfata dumtaxat confirmata fuerint, ipsi vero Exponentes etiam eorundem Conventuum ere-